

2020 МОНГОЛБАНК

ОНЦЛОХ 20 ҮЙЛ ЯВДЛЫН ТОВЧООН



1 "СААРАЛ
ЖАГСААЛТ"-ААС
ГАРАВ



2 ВАЛЮТЫН НӨӨЦ
4.5 ТЭРБУМ
АМ.ДОЛЛАРТ
ХҮРЭВ



3 БОДЛОГЫН ХҮҮГ
6% БОЛГОЖ
БУУРУУЛАВ



4 ХЯТАДЫН АРДЫН
БАНКНЫ СВОП
ХЭЛЦЛИЙГ 3
ЖИЛЭЭР СУНГАВ



5 ЗЭЭЛЖИХ
ЗЭРЭГЛЭЛИЙГ
"В" ҮНЭЛГЭЭНД
ХЭВЭЭР
ХАДГАЛАВ

FitchRatings

6 23.6 ТОНН
ҮНЭТ МЕТАЛЛ
ХУДАЛДАН АВАВ



7 БАНКНЫ
САЛБАРЫН
ШИНЭЧЛЭЛИЙГ
ЭРЧИМЖҮҮЛЭВ



8 ЗЭЭЛИЙН ХҮҮ 2.1
НЭГЖ ХУВИАР
БУУРАВ



9 ИПОТЕКИЙН
ЗЭЭЛИЙН ХҮҮГ 6%
БОЛГОВ



10 ХЭРЭГЛЭЭНИЙ
ЗЭЭЛИЙН
ХУГАЦААГ
СУНГАВ



11 ЖДУ, УУ БУС
ЭКСПОРТЫН ААН-Д
УРТ ХУГАЦААТ,
БАГА ХҮҮТЭЙ
САНХҮҮЖИЛТ
ОЛГОВ

230
ТЭРБУМ ₮

12 ТЭТГЭВРИЙН
ЗЭЭЛИЙГ
ТЭГЛЭХ
ХУУЛИЙН
ХЭРЭГЖИЛТИЙГ
ХАНГАВ



13 БОНДЫГ ДАХИН
САНХҮҮЖҮҮЛЭХ
АЖИЛД ЗГ-ТАЙ
ХАМТРАВ



14 МӨНГӨН
ДЭВСГЭРТИЙН
ХАМГААЛАЛТЫГ
САЙЖРУУЛАВ



15 ҮНДЭСНИЙ
ЦАХИМ
ГҮЙЛГЭЭНИЙ
ТӨВИЙГ
ШИНЭЧЛЭВ



16 ТӨЛБӨРИЙН
СИСТЕМ
ДЭХ ФИНТЕК
КОМПАНИУДЫН
ОРОЛЦООГ
НЭМЭГДҮҮЛЭВ

hi-pay ARD

17 САНХҮҮГИЙН
БОЛОВСРОЛ
ОЛГОХ
АЯНУУДЫГ
ЗОХИОН
БАЙГУУЛАВ



18 СТАТИСТИКИЙН
ЦАХИМ
ХУУДСУУДЫГ
АШИГЛАЛТАД
ОРУУЛАВ



19 ОУВС-ИЙН
"ШУУРХАЙ
САНХҮҮЖИЛТ-
ИЙН ХӨТӨЛБӨР
"-Т ХАМРАГДАВ



20 "FORBES
MONGOLIA
PROPERTY
AWARDS"
ХҮРТЭВ

Forbes



ӨМНӨХ ҮГ

Монгол Улсын эдийн засаг 2020 онд 5.3 хувиар агшиж, эдийн засгийн бус шалтгаантай хямралын жил байлаа. Ковид-19 цар тахал хүн бүрийн амьдралд нөлөөлж байгаа хэдий ч 2020 онд хүлээгдэж байсан эдийн засаг, санхүүгийн салбарын олон том сорилтуудыг бид хамтдаа амжилттай даван гарч чадлаа. Эдгээрээс 3 ажлыг онцолъё. Нэгд, Ковид-19 цар тахлын үед эдийн засаг, банк, санхүүгийн салбарт үзүүлэх сөрөг нөлөөг бууруулах, иргэд, бизнес эрхлэгчид, санхүүгийн байгууллагуудад учирч буй санхүүгийн хүндрэл, дарамтыг зөөлрүүлэх зорилгоор шаардлагатай арга хэмжээг хэрэгжүүлж байна. Хоёрт, Монгол Улс ФАТФ-ын "Саарал жагсаалт"-аас богино хугацаанд гарч чадлаа. Гуравт, цар тахал эдийн засагт хүнд цохилт болж байгаа хэдий ч төгрөгийн инфляц, гадаад валюттай харьцах ханш тогтвортой байлаа. Эдгээр болон хэрэгжүүлсэн бусад ажлаа дүгнэж, Монголбанкны 2020 оны онцлох үйл явдлын товчооныг Танд хүргэж байна.

Ирж буй 2021 онд сорилт үргэлжлэх хэдий ч, эдийн засгийн цаашдын төлөв гэгээтэй байна. Төсөв, мөнгөний бодлогын дотоод эдийн засгийг дэмжихэд чиглэсэн арга хэмжээний үр нөлөө ч цаашид нэмэгдэнэ. Монголбанк эдийн засгийг дэмжих, тогтвортой байлгахад чиглэсэн санхүүгийн таатай орчныг бүрдүүлэх бодлого, арга хэмжээгээ цаашид ч үргэлжлүүлэх болно.

Монгол Улс цэцэглэн хөгжиж, мандан бадрах болтугай!

МОНГОЛБАНКНЫ ЕРӨНХИЙЛӨГЧ
Б.ЛХАГВАСҮРЭН



МОНГОЛБАНКНЫ 2020 ОНЫ ОНЦЛОХ 20 ҮЙЛ ЯВДЛЫН ТОВЧООН

1

МОНГОЛ УЛС
ФАТФ-ЫН
СТРАТЕГИЙН
ДУТАГДАЛТАЙ
ОРНУУДЫН
ЖАГСААЛТ
("СААРАЛ
ЖАГСААЛТ")-ААС
ГАРАВ

2

ГАДААД ВАЛЮТЫН
АЛБАН НӨӨЦ
(ГВАН) 4.5 ТЭРБУМ
АМ.ДОЛЛАРЫН
БОСГЫГ ДАВАВ

3

МӨЧЛӨГ СӨРСӨН
МӨНГӨНИЙ
БОДЛОГО
ХЭРЭГЖҮҮЛЖ,
БОДЛОГЫН
ХҮҮГ ТҮҮХЭН
ДООД ТҮВШИН
БОЛОХ 6 ХУВЬД
ХҮРГЭВ

4

ХЯТАДЫН АРДЫН
БАНКТАЙ ХИЙСЭН
СВОП ХЭЛЦЛИЙН
ХУГАЦААГ ГУРВАН
ЖИЛЭЭР СУНГАВ

5

МОНГОЛ УЛСЫН
УРТ ХУГАЦААНЫ
ЗЭЭЛЖИХ
ЗЭРЭГЛЭЛИЙГ
ХАДГАЛАХ
ЧИГЛЭЛД
ЗАСГИЙН
ГАЗАРТАЙ
ХАМТРАН
АЖИЛЛАВ

МОНГОЛБАНК

МОНГОЛБАНК

МОНГОЛБАНК

МОНГОЛБАНК

МОНГОЛБАНК

МОНГОЛБАНК

11

ЖИЖИГ, ДУНД
ҮЙЛДВЭРЛЭЛ,
УУЛ УУРХАЙН
БУС ЭКСПОРТЫГ
ДЭМЖИХЭД
ЗОРИУЛСАН
УРТ ХУГАЦААТ
САНХҮҮЖИЛТИЙН
ХЭРЭГСЛИЙГ
НЭВТРҮҮЛЭН
АШИГЛАЖ ЭХЛЭВ

12

ТЭТГЭВЭР
БАРЬЦААЛСАН
ЗЭЭЛИЙН
ТӨЛБӨРИЙГ
ТӨРӨӨС НЭГ
УДАА ТӨЛӨХ
ХУУЛИЙН
ХЭРЭГЖИЛТИЙГ
ХАНГАЖ
АЖИЛЛАВ

13

НОМАД БОНДЫГ
ГАРГАХ, МАЗААЛАЙ,
ЧИНГИС БОНДЫН
ТОДОРХОЙ
ХЭСГИЙГ ДАХИН
САНХҮҮЖҮҮЛЭХ
АЖИЛД
МОНГОЛБАНК
ЗАСГИЙН ГАЗАРТАЙ
ХАМТАРЧ АЖИЛЛАВ

14

МӨНГӨН
ДЭВСГЭРТИЙН
ХАМГААЛАЛТЫН
ЭЛЕМЕНТҮҮДИЙГ
САЙЖРУУЛЖ,
НӨӨЦИЙГ ДАХИН
БҮРДҮҮЛЭВ

15

МОНГОЛ УЛСЫН
ТӨЛБӨРИЙН
СИСТЕМИЙН
НАЙДВАРТАЙ,
ТАСРАЛТГҮЙ
АЖИЛЛАГААГ
ХАНГАН АЖИЛЛАЖ,
ҮНДЭСНИЙ ЦАХИМ
ГҮЙЛГЭЭНИЙ
ТӨВИЙГ ШИНЭЧЛЭВ

6

МОНГОЛБАНК 2020
ОНД ТҮҮХЭН
ДЭЭД ХЭМЖЭЭ
БУЮУ 23.6 ТОНН
ҮНЭТ МЕТАЛЛ
ХУДАЛДАН АВАВ

7

БАНКНЫ
САЛБАРЫН
ШИНЭЧЛЭЛИЙГ
ЭРЧИМЖҮҮЛЭВ

8

ЗЭЭЛИЙН ХҮҮ
БУУРАХ ХАНДЛАГА
ҮРГЭЛЖИЛЖ,
2.1 НЭГЖ
ХУВИАР БУУРАВ

9

ТӨРӨӨС
ХЭРЭГЖҮҮЛЖ БҮЙ
ОРОН СУУЦНЫ
ИПОТЕКИЙН
ХӨНГӨЛӨЛТТЭЙ
ХҮҮТЭЙ ЗЭЭЛИЙГ
ҮРГЭЛЖЛҮҮЛЭН
ОЛГОЖ, ХҮҮГ
БУУРУУЛАН, ЭРГЭН
ТӨЛӨЛТИЙГ ТҮР
ХУГАЦААГААР
ХОЙШЛУУЛАВ

10

ЦАР ТАХЛЫН ҮЕД
ЭРГЭН ТӨЛӨЛТ НЬ
ХҮНДРЭЛД ОРСОН
ЗЭЭЛДЭГЧДИЙН
ЗЭЭЛ ТӨЛӨЛТИЙН
ХУГАЦААГ СУНГАХ
ШИЙДВЭР ГАРГАВ

МОНГОЛБАНК

МОНГОЛБАНК

МОНГОЛБАНК

МОНГОЛБАНК

МОНГОЛБАНК

МОНГОЛБАНК

16

ТӨЛБӨРИЙН
СИСТЕМ
ДЭХ ФИНТЕК
КОМПАНИУДЫН
ОРОЛЦООГ
НЭМЭГДҮҮЛЭВ

17

ИРГЭДЭД
САНХҮҮГИЙН
БОЛОВСРОЛ
ОЛГОХ,
САНХҮҮГИЙН
ЛУЙВАРТАЙ
ТЭМЦЭХ ЦУВРАЛ
АЯНУУДЫГ
ЗОХИОН
БАЙГУУЛАВ

18

МОНГОЛБАНКНААС
НЭГТГЭН ГАРГАДАГ
СТАТИСТИК
МЭДЭЭЛЛИЙН
ЦАХИМ
ХУУДСУУДЫГ
АШИГЛАЛТАД
ОРУУЛАВ

19

МОНГОЛ
УЛС ОУВС–
ТАЙ ХАМТЫН
АЖИЛЛАГААГАА
АМЖИЛТТАЙ
ҮРГЭЛЖЛҮҮЛЖ,
“ШУУРХАЙ
САНХҮҮЖИЛТИЙН
ХӨТӨЛБӨР”-ИЙН
ХҮРЭЭНД ЭХ
ҮҮСВЭР АВАВ

20

МОНГОЛБАНК
“FORBES MONGOLIA
PROPERTY AWARDS”
ШАГНАЛ ХҮРТЭВ

1 МОНГОЛ УЛС ФАТФ-ЫН СТРАТЕГИЙН ДУТАГДАЛТАЙ ОРНУУДЫН ЖАГСААЛТ (“СААРАЛ ЖАГСААЛТ”)- ААС ГАРАВ



Монголбанк 2020 онд багтан Мөнгө угаахтай тэмцэх санхүүгийн хориг арга хэмжээ авах байгууллага (ФАТФ)-ын “Саарал жагсаалт”-аас гарах зорилтыг тавьж, холбогдох байгууллагуудтай хамтран эрчимтэй ажиллаа. Олон улсад дэгдсэн Ковид-19 цар тахлаас шалтгаалан ФАТФ-ын хяналтын үйл ажиллагаа зогсох шийдвэрийг ФАТФ-ын Ерөнхийлөгч 3 дугаар сард гаргасан хэдий ч, Монголбанк болон Засгийн газраас удаа дараагийн хүсэлт тавьснаар холбогдох хурлуудыг цахим хэлбэрээр зохион байгуулж, авч хэрэгжүүлсэн арга хэмжээний тайлангаа амжилттай хамгааллаа.

ФАТФ-аас 2020 оны 6 дугаар сард Монгол Улсыг хүлээсэн үүрэг даалгавраа биелүүлсэн тул газар дээрх хяналт шалгалт хийхээр шийдвэрлэснийг зарласан. Үүний дагуу 10 дугаар сард газар дээрх хяналт шалгалтыг амжилттай зохион байгуулснаар Монгол Улс 2020 оны 10 дугаар сарын 23-ны өдрийн ФАТФ-ын нэгдсэн хуралдаанаар “Саарал жагсаалт”-аас албан ёсоор гарлаа. Уг жагсаалтаас гарахад төрийн болон хувийн хэвшлийн хамтын ажиллагаа чухал үүрэг гүйцэтгэв. Ийнхүү богино хугацаанд тус жагсаалтаас гарсан нь Монголбанк, түүний дэргэдэх Санхүүгийн мэдээллийн алба, Үндэсний зөвлөл, Хамтын ажиллагааны зөвлөл болон бусад холбогдох байгууллагуудын хүчин зүтгэл, хамтын ажиллагааны үр дүн байлаа.



2 ГАДААД ВАЛЮТЫН АЛБАН НӨӨЦ (ГВАН) 4.5 ТЭРБУМ АМ.ДОЛЛАРЫН БОСГЫГ ДАВАВ


Ковид-19 цар тахлын дэгдэлтээс үүдэж 2020 оны эхний хагаст экспорт хурдацтай буурч, Засгийн газрын баталгаатай аж ахуйн нэгжийн гадаад бондын төлбөр гадагшаа хийгдэж, урсгал дансны алдагдал өссөн хэдий ч 2 дугаар хагасаас гадаад орчинд эерэг өөрчлөлт гарлаа. Богино хугацаат гадаад өр төлбөрийг хойшлуулж, доноруудын том дүнтэй санхүүжилт орж ирэн, Монголбанкинд тушаах алтны хэмжээ нэмэгдэж, нүүрсний экспортын хэмжээ өсөв.

Монголбанкнаас валютын нөөцийн тогтвортой, хүрэлцээтэй байдлыг хангах, үнэт металлын худалдан авалтыг нэмэгдүүлэх арга хэмжээг авсны үр дүнд 2020 оны эцэст ГВАН 4.5 тэрбум ам.долларын босгыг давж, импортын 11 сарын хэрэгцээг хангах түвшинд хүрч нэмэгдлээ.





ГАДААД ВАЛЮТЫН АЛБАН НӨӨЦ 4.5 ТЭРБУМ АМ.ДОЛЛАРТ ХҮРЭВ



3 МӨЧЛӨГ СӨРСӨН МӨНГӨНИЙ БОДЛОГО ХЭРЭГЖҮҮЛЖ, БОДЛОГЫН ХҮҮГ ТҮҮХЭН ДООД ТҮВШИН БОЛОХ 6 ХУВЬД ХҮРГЭВ

Мөнгөний бодлогын хороо 2020 онд бодлогын хүүг 5 нэгж хувиар бууруулж 6 хувьд хүргэснээр түүхэн доод түвшинд хүрлээ. Тус шийдвэр нь Ковид-19 цар тахлын үед нийгэм, эдийн засагт тулгарч буй санхүүгийн хүндрэл, дарамтыг зөөлрүүлэх, дунд хугацаанд инфляцын зорилтыг алдагдуулахгүйгээр эдийн засгийн сэргэлтийг дэмжихэд чиглэж байна.

Түүнчлэн мөнгөний бодлогын хүрээнд төгрөгийн заавал байлгах нөөц (ЗБН)-ийн хувь хэмжээг 4.5 нэгж хувиар бууруулж 6.0 хувьд хүргэх, хүүний коридорыг бодлогын хүүнээс +/- 1 нэгж хувиар тогтоох, жижиг, дунд үйлдвэрлэл, уул уурхайн бус экспортыг дэмжихэд зориулсан урт хугацаат дахин санхүүжилтийн хэрэгслийг нэвтрүүлэх, санхүүжилтийн хэмжээг тогтоох зэрэг багц шийдвэрийг гаргав. ЗБН-ийн хувийг ийнхүү бууруулснаар банкуудад 700 гаруй тэрбум төгрөгийн эх үүсвэр чөлөөлөгдөв. Энэхүү шийдвэр нь банкны төлбөр түргэн гүйцэтгэх чадварыг хадгалах, банкны эх үүсвэрийн долларжилтыг бууруулах, банкуудын зээлд гаргах боломжтой эх үүсвэрийг нэмэгдүүлэх, зээлийн хүүг бууруулах, улмаар эдийн засаг дахь санхүүгийн зуучлалыг дэмжих зорилготой байв.

Төрөөс мөнгөний бодлогын талаар 2021 онд баримтлах үндсэн чиглэлд дунд хугацаанд инфляцыг 6 хувийн голчтой, +/-2 нэгж хувийн интервалд тогтворжуулах зорилт тусгасан нь Мөнгөний бодлогын хувьд нэг том алхам болов.






МӨЧЛӨГ СӨРСӨН ХЭЛБЭРЭЭР
МӨНГӨНИЙ БОДЛОГЫГ ЗӨӨЛРҮҮЛЖ,

БОДЛОГЫН ХҮҮГ

6% БОЛГОЖ

5 НЭГЖ
ХУВИАР БУУРУУЛАВ



4 ХЯТАДЫН АРДЫН БАНКТАЙ ХИЙСЭН СВОП ХЭЛЦЛИЙН ХУГАЦААГ ГУРВАН ЖИЛЭЭР СУНГАВ



Монголбанк, Хятадын Ардын банк хооронд байгуулсан үндэсний мөнгөн тэмдэгт солилцох 15 тэрбум юанийн своп хэлцлийн ерөнхий гэрээг 2023 он хүртэл амжилттай сунгалаа. Свop хэлцлийн ерөнхий гэрээг сунгах ажлын хүрээнд Монгол Улсын Үндэсний аюулгүй байдлын зөвлөлөөс өгсөн зөвлөмжүүдийн хэрэгжилтийг бүрэн биелүүлж ажиллаа. Тус гэрээг амжилттай сунгаснаар богино хугацааны гадаад өрийн дарамтыг эдийн засгийн тогтвортой байдалд сөрөг нөлөө үзүүлэхгүйгээр шийдвэрлэж чадав.



МОНГОЛБАНК
МОНГОЛ УЛСЫН ТӨВ БАНК



中國人民銀行
THE PEOPLE'S BANK OF CHINA

ХЯТАДЫН АРДЫН БАНКТАЙ ХИЙСЭН СВОП ХЭЛЦЛИЙН ХУГАЦААГ ГУРВАН ЖИЛЭЭР СУНГАВ

БОГИНО ХУГАЦААНЫ ГАДААД ӨРИЙН ДАРАМТЫГ ЭДИЙН ЗАСГИЙН
ТОГТВОРТОЙ БАЙДАЛД СӨРӨГ НӨЛӨӨ ҮЗҮҮЛЭХГҮЙГЭЭР
ШИЙДВЭРЛЭВ.



5 МОНГОЛ УЛСЫН УРТ ХУГАЦААНЫ ЗЭЭЛЖИХ ЗЭРЭГЛЭЛИЙГ ХАДГАЛАХ ЧИГЛЭЛД ЗАСГИЙН ГАЗАРТАЙ ХАМТРАН АЖИЛЛАВ

Монгол Улсын Засгийн газартай хамтран Монголбанк олон улсын зээлжих зэрэглэл тогтоогч Фитч агентлагтай 3-р сарын 25, 5-р сарын 22-нд, Мүүдис агентлагтай 4-р дүгээр сарын 13-нд, Эс энд Пи агентлагтай 6-р сарын 3-нд тус тус цахим уулзалт зохион байгуулав. Фитч агентлагаас 2020 оны 5 дугаар сарын 29-ний өдөр гаргасан хэвлэлийн мэдээнд Монгол Улсын зээлжих зэрэглэлийг "B", ирээдүйн төлөвийг "Тогтвортой" хэвээр үнэллээ. Зээлжих зэрэглэл харьцангуй тогтвортой байгаа нь Монгол Улс гадаад, дотоод хөрөнгө оруулагчдын итгэлийг хадгалж, Ковид-19 цар тахлын үед гадаад өрийн үйлчилгээг дахин санхүүжүүлэхэд дэмжлэг боллоо.





Fitch Ratings

“

**МОНГОЛ УЛСЫН УРТ ХУГАЦААНЫ
ЗЭЭЛЖИХ ЗЭРЭГЛЭЛИЙГ ТОГТВОРТОЙ
ХАДГАЛАХ ЧИГЛЭЛД ЗАСГИЙН
ГАЗАРТАЙ ХАМТРАН АЖИЛЛАВ**

”

**МОНГОЛ УЛСЫН ЗЭЭЛЖИХ ЗЭРЭГЛЭЛ: “В”
ИРЭЭДҮЙН ТӨЛӨВ: “ТОГТВОРТОЙ”**



6 МОНГОЛБАНК 2020 ОНД ТҮҮХЭН ДЭЭД ХЭМЖЭЭ БУЮУ 23.6 ТОНН ҮНЭТ МЕТАЛЛ ХУДАЛДАН АВАВ


Гадаад валютын албан нөөц (ГВАН)-ийг нэмэгдүүлэхэд Монголбанк “Алт-2” хөтөлбөрт дэмжлэг үзүүлж, 2016 онд 18.6 тонн, 2017 онд 20 тонн, 2018 онд 21.9 тонн, 2019 онд 15.2 тонн үнэт металл худалдан авсан бол 2020 он түүхэн дээд хэмжээ буюу 23.6 тонн үнэт металл худалдан авч, ГВАН-ийг 900 орчим сая ам.доллараар нэмэгдүүллээ.

Түүнчлэн энэ оноос Эрдэнэсийн сангийн тухай хуульд заасны дагуу Монголбанкны худалдаж авсан үнэт металлыг гадаадад цэвэршүүлэн мөнгөжүүлж, олон улсын чанарын стандарт хангасан мөнгөн гулдмай, үрлэн мөнгийг эргүүлэн импортлон оруулж ирж, гарал үүсэл нь тодорхой бүтээгдэхүүнийг анх удаа дотоод зах зээлд худалдан борлуулж эхэллээ. Энэ нь дотоодын уран дархчуудыг чанартай түүхий эдээр хангаад зогсохгүй, уран дарханы өв соёлыг цаашид хөгжүүлэхэд чухал нөлөө үзүүлж, дотоодын зах зээл дэх үнэт металлын арилжааг албажуулахад хувь нэмэр оруулах юм. Мөн үнэт металлын арилжаа эрхлэгчдийг Тусгай зөвшөөрөлтэйгөөр үйл ажиллагаа эрхэлдэг болголоо.




Үнэт металл худалдан авалтын сарын мэдээ

**2018-2020 ОНД
МОНГОЛБАНКНЫ
ХУДАЛДАН
АВСАН ҮНЭТ
МЕТАЛЛЫН
САРЫН МЭДЭЭ
(КГ)**



**1990-2020 ОНД
МОНГОЛБАНКНЫ
ХУДАЛДАН АВСАН
ҮНЭТ МЕТАЛЛЫН
ХЭМЖЭЭ (ТОНН)**

■ Монголбанкны худалдаж авсан үнэт металлын хэмжээ /тонн/
— Дэлхийн зах зээл дэх алтны дундаж үнэ (ам.доллар/трой унци, баруун тэнхлэг)



7 БАНКНЫ САЛБАРЫН ШИНЭЧЛЭЛИЙГ ЭРЧИМЖҮҮЛЭВ

Монголбанк дунд хугацаанд хэрэгжүүлэх “Эрүүл, найдвартай, ил тод, нээлттэй, олон нийтийн хяналттай, харилцагчид хүртээмжтэй, цахимжсан банкны тогтолцоог бий болгох банкны салбарын шинэтгэлийн хөтөлбөр”-ийг батлан хэрэгжүүлж эхлэв. Тус хөтөлбөрийг амжилттай хэрэгжүүлснээр банкны салбарын өөрийн хөрөнгө нэмэгдэн эрүүлжиж, эрсдэл даах чадвар сайжирч, өмчлөл нь олон улсын жишгийн дагуу олон нийтийн өмчийн хэлбэрт шилжиж, банкуудад тавих хөндлөнгийн хяналт нэвтэрнэ. Улмаар үйл ажиллагаа нь ил тод болж, шийдвэр гаргах, гүйцэтгэх, хяналт тавих эрх мэдэл хуваагдаж, харилцан бие биедээ хяналттай, тэнцвэртэй эрх мэдэлтэй байх зарчим бий болж, хяналтын тогтолцоо хангагдана. Эдгээрийн үр дүнд гадаад, дотоодын хөрөнгө оруулагчдын банкинд итгэх итгэл нэмэгдэж, санхүүгийн зуучлал гүнзгийрч, эдийн засгийн тогтвортой, хүртээмжтэй өсөлтөд дэмжлэг болно.





БАНКНЫ САЛБАРЫН ШИНЭЧЛЭЛИЙГ ЭРЧИМЖҮҮЛЭВ

МОНГОЛБАНК ДУНД ХУГАЦААНД ХЭРЭГЖҮҮЛЭХ “ЭРҮҮЛ, НАЙДВАРТАЙ,
ИЛ ТОД, НЭЭЛТТЭЙ, ОЛОН НИЙТИЙН ХЯНАЛТТАЙ, ХАРИЛЦАГЧИД
ХҮРТЭЭМЖТЭЙ, ЦАХИМЖСАН БАНКНЫ ТОГТОЛЦООГ БИЙ БОЛГОЖ
БАНКНЫ САЛБАРЫН ШИНЭТГЭЛИЙН ХӨТӨЛБӨР”-ИЙГ БАТЛАН,
ХЭРЭГЖҮҮЛЖ ЭХЛЭВ.



8 ЗЭЭЛИЙН ХҮҮ БУУРАХ ХАНДЛАГА ҮРГЭЛЖИЛЖ, 2.1 НЭГЖ ХУВИАР БУУРАВ

“Зээлийн хүүг бууруулах стратеги”-ийг 2020 оны 8 дугаар сард Улсын Их Хурлын ээлжит бус чуулганаар хэлэлцүүлэн батлууллаа. Энэхүү стратегийг

- 1) зээлийн эх үүсвэрийн зардлыг бууруулах макро тогтвортой орчныг бүрдүүлэх,
- 2) зээлийн эрсдэлийн зардлыг бууруулах,
- 3) банкны үйл ажиллагааны зардлыг бууруулах,
- 4) хөрөнгийн зах зээлийг хөгжүүлэх, өрсөлдөөнийг бий болгож санхүүжилтийн зардлыг бууруулах чиглэлээр боловсруулав.

Энэ хүрээнд Монголбанк, Засгийн газар болон бусад холбогдох байгууллагуудаас авч хэрэгжүүлэх бодлого, зохицуулалтуудыг тодорхой тусгав. Энэхүү стратегид зээлийн хүүг 2019 оны суурь түвшнээс 4 нэгж хувиар бууруулж, 2023 оны эцэст сарын 1 хувьд хүргэхээр зорилт тавьсан. 2020 онд зээлийн дундаж хүү 2.1 нэгж хувиар буурсан нь дунд хугацааны зорилттой нийцтэй байна. Банкуудын шинээр олгосон төгрөгийн зээлийн жигнэсэн дундаж хүү 2020 оны 12-р сард 14.8%-д хүрсэн нь сүүлийн 9 жилийн хамгийн бага үзүүлэлт юм.





ЗЭЭЛИЙН ХҮҮГ БУУРУУЛАХ **СТРАТЕГИ**

ЗЭЭЛИЙН ХҮҮ БУУРАХ ХАНДЛАГА ҮРГЭЛЖИЛЖ, 2.1 НЭГЖ ХУВИАР БУУРАВ

СТРАТЕГИЙН ЧИГЛЭЛ:

1. ЗЭЭЛИЙН ЭХ ҮҮСВЭРИЙН ЗАРДЛЫГ БУУРУУЛАХ МАКРО ТОГТВОРТОЙ ОРЧНЫГ БҮРДҮҮЛЭХ
2. ЗЭЭЛИЙН ЭРСДЭЛИЙН ЗАРДЛЫГ БУУРУУЛАХ
3. БАНКНЫ ҮЙЛ АЖИЛЛАГААНЫ ЗАРДЛЫГ БУУРУУЛАХ
4. ХӨРӨНГИЙН ЗАХ ЗЭЭЛИЙГ ХӨГЖҮҮЛЭХ, ӨРСӨЛДӨӨНИЙГ БИЙ БОЛГОЖ САНХҮҮЖИЛТИЙН ЗАРДЛЫГ БУУРУУЛАХ



9 ТӨРӨӨС ХЭРЭГЖҮҮЛЖ БУЙ ОРОН СУУЦНЫ ИПОТЕКИЙН ХӨНГӨЛӨЛТТЭЙ ХҮҮТЭЙ ЗЭЭЛИЙГ ҮРГЭЛЖЛҮҮЛЭН ОЛГОЖ, ХҮҮГ БУУРУУЛАН, ЭРГЭН ТӨЛӨЛТИЙГ ТҮР ХУГАЦААГААР ХОЙШЛУУЛАВ



Төрөөс хэрэгжүүлж буй орон сууцны ипотекийн хөнгөлөлттэй хүүтэй зээлийг 2020 онд дахин хэрэгжүүлэхээр шийдвэрлэж, Монголбанк, банкуудын эх үүсвэрээр 2020 оны эхний 9 сард 8% хүүтэй ипотекийн зээлд 290 тэрбум төгрөгийг 4.0 мянган зээлдэгчид олгов. Хөтөлбөрийг зорилтот бүлэгт чиглүүлэх, иргэдийн зээлийн төлбөрийн дарамтыг бууруулах зорилгоор 2020 оны 10 дугаар сарын 1-ний өдрөөс зээлийн хүүг жилийн 6% болгон бууруулж, нийт 120 тэрбум төгрөгийг 1.8 мянган зээлдэгчид олгов.

Цар тахлын үед иргэдийн санхүүгийн дарамтыг зөөлрүүлэх зорилгоор өрхийн зардалд томоохон хувь эзэлдэг хөнгөлөлттэй нөхцөлтэй ипотекийн зээлийн төлбөрийг хүү хуримтлуулахгүйгээр үндсэн төлбөрийн хамт хойшлуулах арга хэмжээг 2020 оны 4 дүгээр сараас 10 дугаар сар, 2020 оны 11 дүгээр сараас 2021 оны 7 дугаар сар хүртэл хэрэгжүүлэхээр шийдвэрлэв. Энэ хүрээнд давхардсан тоогоор 2020 оны эцэст нийт 95,000 гаруй зээлдэгчийн 5 орчим их наяд төгрөгийн зээлийн хугацааг хойшлуулаад байна.

Мөн эрсдэл бүхий нөхцөлд үүрэг гүйцэтгэж байгаа төрийн жинхэнэ болон үйлчилгээний албан хаагчдад зориулсан түрээслээд өмчлөх хэлбэртэй ипотекийн зээлийн хөтөлбөрийг холбогдох хуулийн хүрээнд талуудтай хамтран зохион байгуулж, Ковид-19 өвчний голомтод ажиллаж буй нийт 1050 төрийн албан хаагчдыг түрээслээд өмчлөх хэлбэрээр орон сууцтай болох боломжийг бүрдүүллээ.



8% ↓
2020 **6%**
410 ТЭРБУМ ₮ САНХҮҮЖИЛТ
5.8 МЯНГАН ӨРХ



ТӨРӨЭС ХЭРЭГЖҮҮЛЖ БУЙ ОРОН СУУЦНЫ
ИПОТЕКИЙН ХӨНГӨЛӨЛТТЭЙ ХҮҮТЭЙ ЗЭЭЛИЙГ
ҮРГЭЛЖЛҮҮЛЭН ОЛГОЖ, ХҮҮГ 6% БОЛГОН, ЭРГЭН
ТӨЛӨЛТИЙГ ТҮР ХУГАЦААГААР ХОЙШЛУУЛЛАА



ИПОТЕКИЙН ЗЭЭЛИЙН ТӨЛБӨРИЙГ ЦАР ТАХЛЫН
ҮЕД 14 САР ХҮҮ ХУРИМТЛУУЛАХГҮЙГЭЭР
ХОЙШЛУУЛАВ



2020 ОНЫ 4-10 САРУУДАД:
38,270 ЗЭЭЛДЭГЧИЙН НИЙТ
2 ИХ НАЯД ГАРУЙ ТӨГРӨГ

2020 ОНЫ 11 ДҮГЭЭР САРААС
ХОЙШ 12 ДУГААР САРЫН 25-НЫ
ӨДРИЙН БАЙДЛААР:

57,456 ЗЭЭЛДЭГЧИЙН
3.2 ИХ НАЯД ТӨГРӨГ



10 ЦАР ТАХЛЫН ҮЕД ЭРГЭН ТӨЛӨЛТ НЬ ХҮНДРЭЛД ОРСОН ЗЭЭЛДЭГЧДИЙН ЗЭЭЛ ТӨЛӨЛТИЙН ХУГАЦААГ СУНГАХ ШИЙДВЭР ГАРГАВ

Ковид-19 цар тахлаас үүдэн эдийн засагт хүндрэл үүсч, банкны салбарын зээлийн эргэн төлөлтөд доголдол үүсч, зээлийн эрсдэлийн зардал нэмэгдэх, иргэд, аж ахуйн нэгжүүдэд санхүүгийн дарамт бий болох бодит эрсдэл үүссэн. Иймд эдгээр эрсдэлийг бууруулах зорилгоор Монголбанкнаас баталж, банкуудад мөрдүүлдэг “Активыг ангилах, активын эрсдэлийн сан байгуулж, зарцуулах журам”, “Өр, орлогын харьцааг тооцох аргачлал”, “Банкны үйл ажиллагааны зохистой харьцааны шалгуур үзүүлэлтийг тогтоох, түүнд хяналт тавих журам”-д тус тус холбогдох өөрчлөлтүүдийг оруулж, зээлийн хугацаа болон бүтцэд өөрчлөлт оруулах, хөнгөлөлт үзүүлэх нөхцөлийг бүрдүүлэв. Тус зохицуулалтын арга хэмжээний хүрээнд банкуудаас системийн хэмжээнд 2020 оны 12 дугаар сарын 18-ны байдлаар давхардсан тоогоор 142 гаруй мянган зээлдэгчийн 4.3 их наяд төгрөгийн зээлийн бүтцэд өөрчлөлт оруулсан байна. Тухайлбал, банкууд нийт 127 гаруй мянган зээлдэгчийн 1.6 их наяд төгрөгийн хэрэглээний зээл болон 2.7 их наяд төгрөгийн 15 гаруйн мянган бизнесийн зээл (үүнд: аж ахуйн нэгж болон иргэдэд олгосон зээл орно)-ийн бүтцэд өөрчлөлт оруулж, төлбөрийн нөхцөл, хуваарьт өөрчлөлт оруулж, хөнгөлөлт үзүүлсэн байна.





ЭРГЭН ТӨЛӨЛТ НЬ ХҮНДРЭЛД ОРСОН ЗЭЭЛДЭГЧИЙН
ХЭРЭГЛЭЭНИЙ ЗЭЭЛИЙН ХУГАЦААГ

СУНГАХ ШИЙДВЭР ГАРГАВ

2020.12.18-ны байдлаар:

4.3 их наяд ₮

зээлд бүтцийн өөрчлөлт хийгдсэн

Үүнд:

- 2.7 их наяд төгрөг
15 мянга гаруй
бизнесийн зээл
- 1.6 их наяд төгрөг
127 мянга гаруй
хэрэглээний зээл



2021 ОНЫ 7.01 САРЫН
ХҮРТЭЛ ХЭРЭГЖИНЭ



11 ЖИЖИГ, ДУНД ҮЙЛДВЭРЛЭЛ, УУЛ УУРХАЙН БУС ЭКСПОРТЫГ ДЭМЖИХЭД ЗОРИУЛСАН УРТ ХУГАЦААТ САНХҮҮЖИЛТИЙН ХЭРЭГСЛИЙГ НЭВТРҮҮЛЭН АШИГЛАЖ ЭХЛЭВ



Монголбанкны Мөнгөний бодлогын хорооны тогтоолоор жижиг, дунд үйлдвэрлэл, уул уурхайн бус экспортын салбарыг дэмжихэд зориулан Төв банкны репо арилжааны нөхцөлд өөрчлөлт оруулж, төгрөгийн хэвийн зээлээр баталгаажсан үнэт цаас барьцаалан 2 хүртэл жилийн хугацаатай санхүүжилт олгох боломжийг бүрдүүллээ. Улмаар 2020 оны 4 дүгээр улиралд 230 тэрбум төгрөгийн санхүүжилт олгов.

Уг арга хэмжээ нь тус салбарт үйл ажиллагаа эрхэлж буй аж

ахуйн нэгжүүдийн эх үүсвэрийн зардлыг 10.5 хувь болгон, зах зээлийн хүүнээс 6-7 нэгж хувиар бууруулж, хугацааг уртасгах, зээлдэгчийн хүсэлтээр үндсэн төлбөрөөс эхний 6 сард чөлөөлөгдөх боломжийг олгож байна. Ингэснээр цар тахлын үед банкуудын зээл олголт доголдсон үед зээлийн нийлүүлэлтийг дэмжих, ажлын байрыг хадгалах, цаашид эдийн засгийг тэрөлжүүлэх ач холбогдолтой юм.



**ЖИЖИГ, ДУНД ҮЙЛДВЭРЛЭЛ, УУЛ УУРХАЙН
БУС ЭКСПОРТЫГ ДЭМЖИХЭД ЗОРИУЛСАН
УРТ ХУГАЦААТ САНХҮҮЖИЛТИЙН ХЭРЭГСЭЛ
НЭВТРҮҮЛЖ, БАГА ХҮҮТЭЙ САНХҮҮЖИЛТ
ОЛГОЖ ЭХЛЭВ**

**2020 ОНЫ
IV УЛИРАЛД**

230

**ТЭРБУМ ТӨГРӨГИЙН
САНХҮҮЖИЛТ**

**2021 ОНЫ
I УЛИРАЛД**

250

**ТЭРБУМ ТӨГРӨГИЙН
САНХҮҮЖИЛТ**



12 ТЭТГЭВЭР БАРЬЦААЛСАН ЗЭЭЛИЙН ТӨЛБӨРИЙГ ТӨРӨӨС НЭГ УДАА ТӨЛӨХ ХУУЛИЙН ХЭРЭГЖИЛТИЙГ ХАНГАЖ АЖИЛЛАВ

Улсын Их Хурлаас “Иргэдийн тэтгэвэр барьцаалсан зээлийн төлбөрийг төрөөс нэг удаа төлөх тухай хууль”-ийг 2020 оны 1-р сард баталсан билээ. Тус хуулийн хэрэгжилтийг хангах хүрээнд Монголбанкнаас арилжааны банкууд болон Эрдэнэс Монгол ХХК-тай хамтран тэтгэврийн зээлтэй байсан 228,574 иргэний 694.9 тэрбум төгрөгийн зээлийг нэг удаа төлж, шийдвэрлэлээ.





“ИРГЭДИЙН ТЭТГЭВЭР БАРЬЦААЛСАН ЗЭЭЛИЙН ТӨЛБӨРИЙГ ТӨРӨӨС НЭГ УДАА ТӨЛӨХ ТУХАЙ ХУУЛЬ”

ТЭТГЭВРИЙН ЗЭЭЛИЙГ ТӨРӨӨС **НЭГ УДАА ТӨЛӨХ** ХУУЛИЙН ХЭРЭГЖИЛТИЙГ ХАНГАН АЖИЛЛАВ



ТЭТГЭВРИЙН ЗЭЭЛТЭЙ 229 МЯНГАН ИРГЭНИЙ 763 ТЭРБУМ ТӨГРӨГИЙН ЗЭЭЛИЙН ҮЛДЭГДЭЛД ӨӨРЧЛӨЛТ ОРОХ БУЮУ ТӨРӨӨС ТӨЛӨХ АРГА ХЭМЖЭЭГ АВСАН.



13 НОМАД БОНДЫГ ГАРГАХ, МАЗААЛАЙ, ЧИНГИС БОНДЫН ТОДОРХОЙ ХЭСГИЙГ ДАХИН САНХҮҮЖҮҮЛЭХ АЖИЛД МОНГОЛБАНК ЗАСГИЙН ГАЗАРТАЙ ХАМТАРЧ АЖИЛЛАВ


Монголбанкнаас Монгол Улсын засгийн газрын гадаад зах зээлд гаргасан бондуудыг дахин санхүүжүүлж, гадаад төлбөр түргэн гүйцэтгэх чадварыг сайжруулахад Засгийн газартай хамтран ажиллав. Цар тахлын үед дотоодын нийт бүтээгдэхүүн (ДНБ) оны эхний хагаст 9.7 хувиар агшсан, Мөнгө угаахтай тэмцэх санхүүгийн арга хэмжээ авах байгууллага (ФАТФ)-ын хяналтын жагсаалтад орсон, экспорт буурсан зэрэг гадаад орчны таагүй нөхцөл байдлын үед Номад бондыг харьцангуй бага 5.125% хүүтэйгээр гаргаж, дахин санхүүжилтийг амжилттай хийв. Тухайлбал, 600 сая ам.долларын Номад бондыг олон улсын зах дээр гаргаснаар 2021 онд эргэн төлөгдөх Мазаалай бондын 380 сая ам.доллар, 2022 оны Чингис бондын 220 сая ам.долларын дахин санхүүжилтийг хийлээ.





МОНГОЛБАНК
МОНГОЛ УЛСЫН ТӨВ БАНК

НОМАД БОНДЫГ ГАРГАХ, МАЗААЛАЙ, ЧИНГИС БОНДЫН ТОДОРХОЙ ХЭСГИЙГ ДАХИН САНХҮҮЖҮҮЛЭХ АЖИЛД МОНГОЛБАНК ЗАСГИЙН ГАЗАРТАЙ ХАМТАРЧ АЖИЛЛАВ



НОМАД БОНДЫГ ХАРЬЦАНГУЙ БАГА 5.125%
ХҮҮТЭЙГЭЭР ГАРГАЖ, ДАХИН САНХҮҮЖИЛТИЙГ
АМЖИЛТТАЙ ХИЙВ



14 МӨНГӨН ДЭВСГЭРТИЙН ХАМГААЛАЛТЫН ЭЛЕМЕНТҮҮДИЙГ САЙЖРУУЛЖ, НӨӨЦИЙГ ДАХИН БҮРДҮҮЛЭВ

Монгол Улс ардчилсан зах зээлийн нийгэмд шилжсэнээр 1993 оноос үндэсний мөнгөн дэвсгэртээ шинэчилсэн. Түүнээс хойших хугацаанд анх удаа олон улсын дэвшилтэт шинэ технологиор мөнгөн дэвсгэртийн хамгаалалтын элементүүдийг сайжруулж, дүрслэлүүдийн чанар, өнгө үзэмжийг нэмэгдүүлснээр хуурамчаар үйлдэхээс хамгаалагдсан дэлхийн жишигт хүрсэн мөнгөн дэвсгэрттэй боллоо. Түүнчлэн харааны бэрхшээлтэй иргэдэд зориулсан элементийг нэмсний зэрэгцээ шинэчлэгдсэн мөнгөн дэвсгэртүүдийг хуурамчаас ялган танихад зориулсан танин мэдэхүйн мэдээлэл бүхий гар утасны аппликэйшн гаргаж, нэвтрүүлэхээр ажиллаж байна.

1-ТИЙН ДЭВСГЭРТИЙН ШИНЭЧЛЭЛ



50-ТЫН ДЭВСГЭРТИЙН ШИНЭЧЛЭЛ





20000-ТЫН ДЭВСГЭРТҮЙН ШИНЭЧЛЭЛ



5000-ТЫН ДЭВСГЭРТҮЙН ШИНЭЧЛЭЛ



15 МОНГОЛ УЛСЫН ТӨЛБӨРИЙН СИСТЕМИЙН НАЙДВАРТАЙ, ТАСРАЛТГҮЙ АЖИЛЛАГААГ ХАНГАН АЖИЛЛАЖ, ҮНДЭСНИЙ ЦАХИМ ГҮЙЛГЭЭНИЙ ТӨВ (ҮЦГТ)-ИЙГ ШИНЭЧЛЭВ

ҮЦГТ-ийн дата төвийг шинэчилж, үндэсний төлбөрийн системийн дэд бүтцийн хүчин чадлыг нэмэгдүүлж, техник технологийн шинэ боломжийг бүрдүүлэх зорилгоор ҮЦГТ-ийн барилгыг шинээр барьж, ашиглалтад оруулах бүтээн байгуулалтын ажлыг амжилттай гүйцэтгэж дууслаа. Азийн хөгжлийн банкны санхүүжилтээр хэрэгжүүлж буй “Төлбөрийн системийн шинэчлэл” төслийн хүрээнд баригдсан энэхүү дата төвд цахилгааны олон талт эх үүсвэр, орчин үеийн шийдэл бүхий хөргөлтийн систем, гал, усны найдвартай хамгаалалт бүхий 36-н зогсоогуурыг бий болгосон. Тус төв нь мэдээллийн технологийн дата төвийн стандартыг олон улсын хэмжээнд тогтоодог нэр хүнд бүхий Uptime Institute-ийн байгууллагын TIER II стандартад нийцсэн орчин хамгийн шинэлэг дэд бүтэцтэй төв болж чадлаа. ҮЦГТ-ийн шинэ барилга нь Монголбанкны түүхэнд бичигдэх бүтээн байгуулалт болж байгаа бол дата төвийн шинэчлэл нь Монгол Улсын төлбөрийн системийн хөгжилд нэгэн шинэ дэвшлийг авчирсан үйл явдал боллоо.

Монголбанкнаас Ковид-19 цар тахлын үед бэлэн бус төлбөр тооцоо буюу карт, интернет, мобайл гүйлгээг өргөнөөр ашиглахыг олон нийтэд уриалж, энэ үед төлбөр тооцоог бодит цагийн горимоор, тасралтгүй дамжуулж байна. Монголбанкнаас банк хоорондын бага дүнтэй “Автомат клиринг хаус” (ACH+), их дүнтэй “Банксүлжээ”, төлбөрийн картын системүүдийн хэвийн үйл ажиллагааг хангахын зэрэгцээ банкуудын системээр дамжуулдаг гадаад төлбөр тооцоонд аливаа эрсдэл үүсэхээс урьдчилан сэргийлэх арга хэмжээг хэрэгжүүлж байна.





**МОНГОЛ УЛСЫН ТӨЛБӨРИЙН СИСТЕМИЙН
НАЙДВАРТАЙ, ТАСРАЛТГҮЙ АЖИЛЛАГААГ
ХАНГАН АЖИЛЛАЖ, ҮНДЭСНИЙ ЦАХИМ
ГҮЙЛГЭЭНИЙ ТӨВ (ҮЦГТ)-ИЙГ ШИНЭЧЛЭВ**




16 ТӨЛБӨРИЙН СИСТЕМ ДЭХ ФИНТЕК КОМПАНИУДЫН ОРОЛЦООГ НЭМЭГДҮҮЛЭВ



Үндэсний төлбөрийн системийн тухай хуулийн хэрэгжилтийн хүрээнд зөвхөн банкууд оролцох боломжтой байсан төлбөрийн системийн хамрах хүрээг тэлж, хуулийн этгээдэд төлбөрийн үйлчилгээ үзүүлэх боломжийг олгон, Монгол Улсын банк, санхүүгийн салбарт эрх зүйн шинэ орчинг бүрдүүлсэн. Улмаар 2020 онд шинэ дэвшилтэд технологид суурилсан санхүүгийн үйлчилгээг нэвтрүүлэхийг зорьж буй финтекийн 8 байгууллагад холбогдох хууль тогтоомжийн дагуу төлбөрийн үйлчилгээтэй холбоотой үйл ажиллагаа эрхлэх зөвшөөрлийг олголоо. Зөвшөөрөл бүхий этгээдүүд Монголбанкны Үндэсний цахим гүйлгээний “Автомат клиринг хаус” системд холбогдож, RTP буюу бодит цагийн горимд төлбөр тооцоо дамжуулах системийг амжилттай нэвтрүүллээ.



Финтекийн компанийг төлбөрийн системийн үндсэн орчинд амжилттай холбосноор төлбөр тооцоог бодит цагийн горимоор гүйцэтгэх, төлбөрийн үйлчилгээг илүү хялбар, шуурхай, найдвартайгаар иргэд, харилцагчид хүргэх нэгэн шинэ гарцыг нээж байгаа бөгөөд энэ нь санхүүгийн хүртээмжийг нэмэгдүүлэхэд чиглэсэн бодлогын хэрэгжилт юм. Монголбанкнаас нэгтгэн гаргадаг статистик мэдээллийн хүртээмжийг сайжрууллаа.



**БАНК, САНХҮҮГИЙН ҮЙЛЧИЛГЭЭНИЙ ХҮРТЭЭМЖИЙГ
САЙЖРУУЛАХ, ДЭВШИЛТЭТ ҮЙЛЧИЛГЭЭГ ДЭМЖИХ
БОДЛОГЫН ХҮРЭЭНД ТӨЛБӨРИЙН СИСТЕМ ДЭХ
ФИНТЕК КОМПАНИУДЫН ОРОЛЦООГ
НЭМЭГДҮҮЛЭВ**



**ФИНТЕКИЙН 8 БАЙГУУЛЛАГАД ҮЙЛ АЖИЛЛАГАА
ЭРХЛЭХ ЗӨВШӨӨРЛИЙГ ОЛГОЛОО**



17 ИРГЭДЭД САНХҮҮГИЙН БОЛОВСРОЛ ОЛГОХ, САНХҮҮГИЙН ЛУЙВАРТАЙ ТЭМЦЭХ ЦУВРАЛ АЯНУУДЫГ ЗОХИОН БАЙГУУЛАВ



Олон нийтийн санхүүгийн боловсролыг дэмжих бодлогын хүрээнд санхүүгийн залилан луйвраас урьдчилан сэргийлэх, түүнтэй тэмцэх мэдлэг, мэдээллийг олгох зорилгоор “Ятгах тусам нягтал”, “Нягтлах тусам аюулгүй” цуврал аяныг Цагдаагийн Ерөнхий газар, Монголын банкны холбоо болон арилжааны банкуудтай хамтран улсын хэмжээнд жилийн турш зохион байгууллаа. Аяны үр дүнд гэмт хэргийн улмаас иргэн, байгууллагад учирсан хохирлын хэмжээ буурч, хэрэг бүртгэл 2020 оны эхний 11 сарын үзүүлэлтээр 9 хувь буурсан бол хэрэг шийдвэрлэлт 26 хувь өсчээ.

Банкны салбарын хүрээнд жил бүрийн 10 дугаар сард Дэлхийн хуримтлалын өдрийг тэмдэглэж ирсэн бол 2020 онд оролцогчдын цар хүрээг нэмэгдүүлж, “Дэлхийн хуримтлалын өдөр-2020” аяныг бусад байгууллагуудтай хамтран Улаанбаатар, Дархан, Эрдэнэт, Баруун-Урт хотуудад тэмдэглэлээ. Мөн мөнгөн тэмдэгтийн зохистой хэрэглээг дэлгэрүүлэх, мөнгөн тэмдэгтийн насжилтыг уртасгах, улмаар үүнтэй холбоотой гарах зардлыг бууруулах зорилгоор “Халаасанд бус хэтэвчинд-Овоонд бус хэрэглээнд” аяныг улс орон даяар хэрэгжүүлэв.



18 МОНГОЛБАНКНААС НЭГТГЭН ГАРГАДАГ СТАТИСТИК МЭДЭЭЛЛИЙН ЦАХИМ ХУУДСУУДЫГ АШИГЛАЛТАД ОРУУЛАВ



Монголбанкнаас нэгтгэн боловсруулдаг статистик тоон мэдээлэл, тайлангуудыг шинэчилж, статистик мэдээллийн stat.mongolbank.mn болон банкуудын зарласан хүүний мэдээллийн bankrate.mongolbank.mn цахим хуудсуудыг шинээр ашиглалтад оруулснаар санхүүгийн хэрэглэгчдэд мэдээллийн тэгш хүртээмжийг бий болгох, улмаар банкуудын зээлийн бүтээгдэхүүний өрсөлдөөнийг дэмжих боломжийг нэмэгдүүллээ. Мөн статистик болон тайлан мэдээллийг Монголбанкны цахим хуудасны монгол, англи хувилбараар дамжуулан олон нийтэд хүргэхээс гадна иргэдэд илүү хүртээмжтэй, ойлгоход хялбар болгох үүднээс зээлийн хүү, харилцах, хадгаламжийн хүү, инфляц, гадаад өр, Ковид-19 үеийн арга хэмжээ, банкны салбарын үзүүлэлтүүд, төлбөрийн тэнцэл зэрэг статистик, тоон үзүүлэлтүүдээр цуврал инфографик бэлтгэн олон нийтэд тогтмол хүргэж байна.



МОНГОЛБАНКНААС НЭГТГЭН ГАРГАДАГ СТАТИСТИК МЭДЭЭЛЛИЙН



stat.mongolbank.mn



bankrate.mongolbank.mn




ЦАХИМ ХУУДСУУДЫГ ШИНЭЭР АШИГЛАЛТАД ОРУУЛАВ



19 МОНГОЛ УЛС ОУВС-ТАЙ ХАМТЫН АЖИЛЛАГААГАА ҮРГЭЛЖЛҮҮЛЖ, “ШУУРХАЙ САНХҮҮЖИЛТИЙН ХӨТӨЛБӨР”-ИЙН ХҮРЭЭНД ЭХ ҮҮСВЭР АВАВ

Монгол Улс ОУВС-тай хамтран “Өргөтгөсөн санхүүжилтийн хөтөлбөр”-ийг 3 жилийн хугацаанд хэрэгжүүлж, үргэлжлүүлэн “Шуурхай санхүүжилтийн хөтөлбөр” (RFI)-ийн хүрээнд санхүүжилт аваад байна. Тухайлбал, дэлхийн нийтийг хамарсан Ковид-19 цар тахлаас үүдэлтэй эдийн засгийн хүндрэлийг хохирол багатай даван туулах, төсөв болон төлбөрийн тэнцлийн алдагдлыг санхүүжүүлэх зорилгоор Монгол Улсын Засгийн газар, Монголбанк хамтран ОУВС-ийн Шуурхай санхүүжилтийн хөтөлбөрт хамрагдаж, 99 сая ам.долларын санхүүжилтийг авав.





МОНГОЛ УЛСЫН ЗАСГИЙН ГАЗАР,
МОНГОЛБАНК ХАМТРАН ОУВС-ИЙН

“ШУУРХАЙ САНХҮҮЖИЛТИЙН ХӨТӨЛБӨР”-Т ХАМРАГДАВ

99 САЯ

АМ.ДОЛЛАРЫН САНХҮҮЖИЛТ
АВААД БАЙНА



20 МОНГОЛБАНК “FORBES MONGOLIA PROPERTY AWARDS” ШАГНАЛ ХҮРТЭВ

Төв банк (Монголбанк)-ны тухай хуульд Монголбанк нь санхүүгийн зах зээл, банкны тогтолцооны тогтвортой байдлыг хангах замаар үндэсний эдийн засгийн тэнцвэртэй хөгжилд дэмжлэг үзүүлэхээр заасан. Энэ зорилтын хүрээнд Монголбанк хуульд нийцүүлэн шаардлагатай арга хэмжээ, хөтөлбөрүүдийг хэрэгжүүлж байна. Тухайлбал, иргэдийг хөнгөлөлттэй зээлээр орон сууцжуулах хөтөлбөр амжилттай хэрэгжиж байна. Төрөөс хэрэгжүүлж буй хөнгөлөлттэй нөхцөлтэй ипотекийн зээлийг илүү хүртээмжтэй болгоход чиглэсэн Монголбанкны бодлого, үйл ажиллагааг үнэлж, Forbes сэтгүүлээс зохион байгуулдаг “Forbes Mongolia Property Awards” шалгаруулалтаас “Барилгын салбарын амжилт” шагналыг олгов.





FORBES MONGOLIA PROPERTY AWARDS



ТӨРӨӨС ХЭРЭГЖҮҮЛЖ БУЙ ХӨНГӨЛӨЛТТЭЙ НӨХЦӨЛТЭЙ
ИПОТЕКИЙН ЗЭЭЛИЙГ ИЛҮҮ ХҮРТЭЭМЖТЭЙ БОЛГОХОД
ЧИГЛЭСЭН МОНГОЛБАНКНЫ БОДЛОГО, ҮЙЛ АЖИЛЛАГААГ
ҮНЭЛЖ, **“БАРИЛГЫН САЛБАРЫН АМЖИЛТ”**
ШАГНАЛЫГ ОЛГОВ.





www.mongolbank.mn

Mongolbank.mn

@mongolbank_mn

МОНГОЛБАНК

Монголбанк юу хийдэг вэ?

“ Төв банк /Монголбанк/-ны тухай хуульд зааснаар ”
Монголбанкны үндсэн зорилт нь үндэсний мөнгөн тэмдэгт-төгрөгийн тогтвортой байдлыг хангахад оршино.


Мөнгөн тэмдэгт гүйлгээнд гаргах, зохицуулах



Мөнгөний бодлого боловсруулж, хэрэгжүүлэх



Засгийн газрын санхүүгийн зуучлагчийн үүрэг гүйцэтгэх



Банк болон хуульд тусгайлан заасан этгээдийн үйл ажиллагаанд хяналт тавих



Үндэсний төлбөрийн систем, түүний үйл ажиллагааг удирдах, зохицуулах, хянах



Гадаад валютын улсын нөөцийг эзэмших, удирдах



Банкны харилцагч, хадгаламж эзэмшигчийн ашиг сонирхлыг хамгаалах



Макро зохистой бодлого хэрэгжүүлэх



Монгол улс
Монголбанк

2020 МОНГОЛБАНК



